

三三三

白氏長慶集

十二之十四



白氏文集卷第十

感傷四

九首

短歌行

瞳瞳太陽如火色

白晝入為夜

奈何為君舉酒

座少年君聽取

往春風迴人無根

隨顏勸君且強笑
一雨勸君復強飲
人生不得長歡樂
年少須臾老到來
風塵生離別
西歸賦詩
苦隨亦苦四

食糜不易食
梅難糜能苦兮
梅能酸未如
生別之為難
苦在心兮
酸在肝
晨雞再鳴
殘月沒
征馬連嘶
行人出回
看骨肉哭
一聲梅酸
糜苦甘如蜜
河水白黃
雲秋行人
河邊相對愁
天寒路曠
何處宿棠梨
葉戰風颼
颼生離別
憂從何來
無斷絕

憂極心勞
血氣衰
末年三木生
白髮曾無
浩歌行
直如
直如
直如
直如
直如
直如

天長地久無終畢
昨夜今朝又明日
鬢髮蒼浪
牙齒踈不覺
身年四十七
前去五十有幾年
把鏡照面心茫然
既無長繩繫白日
又無大藥駐朱顏
朱顏日漸不如故
青史功名在何處
欲留年少待富貴
富貴不來年少去
去復去兮如長河
東流赴海無迴波
賢愚貴賤同歸盡
北邙塚墓高差幾

古來如此非獨我未死有酒且酣歌顏回
短命伯夷餓我今所得亦已多功名富貴
須待命命若不來知奈何貴富貴不

王夫子

王夫子送君爲一尉東南三千五百里道
途雖遠位雖卑月俸猶堪活妻子男兒口
讀古人書束帶斂手來從事近將徇祿給
一家遠則行道佐時理行道佐時須待命
委身下位無爲耻命苟未來且求食官無

高卑及遠邇男兒上旣未能濟天下下又
不至飢寒死吾觀九品至一品其間氣味
都相似紫綬朱紱青布衫顏色不同而已
矣王夫子別有一事欲勸君遇酒逢春且
歡喜入髮髮美外無時語去哭掉掉外此

江南遇天寶樂叟已煙誤白頭病叟泣且言祿山未亂入黎園能彈
琵琶和法曲多在華清隨至尊是時天下
太平父年年十月坐朝元千官起居環珮

合萬國會同車馬奔金鈿照耀石甕寺蘭
麝薰煑溫湯源貴妃宛轉侍君側體弱不
勝珠翠繁冬雪飄飄錦袍煖春風蕩漾霓
裳翻歡娛未足燕寇至弓勁馬肥胡語喧
幽土人遷避夷狄鼎湖龍去哭軒轅從此
漂淪到南土萬人死盡一身存秋風江上
浪無限暮雨舟中酒一樽涸魚又失風波
勢枯草曾沾雨露恩我自秦來君莫問驪
山渭水如荒村新豐樹老籠明月長生殿

閭鎖黃昏紅葉紛紛蓋歌瓦綠苔重重封
壞垣唯有中官作宮使每年寒食一開門
昨送張山人歸嵩陽

黃昏慘慘天微雪修行坊西鼓聲絕張生
馬瘦衣具單夜扣柴門與我別媿君冒寒
來別我爲君沽酒張燈火酒酣火煖與君
言何事入關又出關答云前年偶下山四
十餘月客長安長安古來名利地空手無
金行路難朝遊九城陌肥馬輕車欺殺客

暮宿五侯門、殘茶冷酒愁殺人、春明門門
前便是嵩山路、幸有雲泉容此身、明目辭
君且歸去、關又出關答元前平賊下出四
來似醉後走筆、酬劉五主簿長句之贈、兼
馬更簡張大賈、二十四先輩昆季、亦具寒
劉兄文高行孤立、十五年前名翕習、是時
相遇在符離、我年二十君三十、得意忘年
心迹親、寓居同縣日、知聞衡門寂寞朝、尋
我古寺蕭條暮、訪君朝來暮去多、攜手窮

卷貧居何所有、秋燈夜寫聯句詩、春雪朝
傾煖寒酒、俾湖綠愛白鷗飛、灘水清憐紅
鯉肥、偶語閑攀芳樹立、相扶醉踏落花歸
張賈弟兄同里巷、乘閑數數來相訪、雨天
連宿草堂中、月夜徐行石橋上、我年漸長
忽自驚、鏡中冉冉鬢鬚生、心畏後時同勵
志、身牽前事各求名、問我栖栖何所適、鄉
人薦爲鹿鳴客、二千里別謝交遊、三十韻
詩慰行役、出門可憐唯一身、弊裘瘦馬入

咸秦鼙鼙街鼓紅塵闇晚到長安無主人
二賈二張與余弟驅車邈邈來相繼操詞
握賦爲干戈鋒銳森然勝氣多齊入文場
同苦戰五人十載九登科二張得雋名居
甲羨退爭雄重告捷棠棣輝榮並桂枝芝
蘭芬馥和荆葉唯有沈犀屈未伸握中自
謂駭雞珍三年不鳴鳴必大豈獨駭雞當
駭人元和運啓千年聖同遇明時余最幸
始辭祕閣吏王畿遽列諫垣升禁闈蹇步

何堪鳴珮玉衰容不稱著朝衣閭闔晨開
朝百辟冕旒不動香煙碧步登龍尾上虛
空立去天顏無咫尺宮花似雪從乘輿禁
月如霜坐直廬身賤每驚隨內宴才微常
愧草天書晚松寒竹新昌第職居密近門
多閉日暮銀臺下直迴故人到門門暫開
迴頭下馬一相顧塵土滿衣何處來歛手
炎涼叙未畢先說舊山今悔出岐陽旅宦
少歡娛江左羈遊費時日贈我一篇行路

吟吟之句句披沙盡歲月徒催白髮貌泥
塗不屈青雲心誰會茫茫天地意短木獲
用長才棄我隨鷓鴣鷺入煙雲謬上丹墀爲
近臣君同鸞鳳棲荊棘猶著青袍作選人
惆悵知賢不能薦徒爲出入蓬萊殿月慙
諫紙二百張歲愧俸錢三十萬大底浮榮
何足道幾度相逢即身老且傾斗酒慰羈
愁重話符離問舊遊北巷鄰居幾家去東
林舊院何人住武里村花落復開流溝山

色應如故感此訓君千字詩醉中分手又
何之須知通塞尋常事莫歎浮沉先後時
慷慨臨岐重相勉殷勤別後加飡飯君不
見買臣衣錦還故鄉五十身榮未爲晚
和錢負外答盧負外早春獨遊曲江

見寄長句

春來有色閣融融先到詩情酒思中柳岸
霏微裊塵雨杏園澹蕩開花風聞君獨遊
心鬱鬱薄晚新晴騎馬出醉思詩侶有同

年春歎翰林無暇日、雲夫首唱寒玉音、蔚
章繼和春愁吟、此時我亦閉門坐、一日風
光三處心、

東墟晚歇 時退居渭村

涼風冷露蕭索天、黃蒿紫菊荒涼田、遶塚
秋花少顏色、細蟲小蝶飛翻翻、中有騰騰
獨行者、手拄漁竿不騎馬、晚從南澗釣魚
迴、歇此墟中白楊下、褐衣半故白髮新、人
逢知我是何人、誰言渭浦栖遲客、曾作甘

泉侍從臣、

春日客中月、

客從江南來、來時月上弦、悠悠行旅中、三

見清光圓、曉隨殘月行、夜與新月宿、誰謂

月無情、千里遠相逐、朝發渭水橋、暮入長

安陌、不知今夜月、又作誰家客、

丹旄何飛揚、素驂亦悲鳴、晨光照閭巷、轡

車儼欲行、蕭條九月天、哀挽出重城、借問

送者誰、妻子與弟兄、蒼蒼上古原、我我開
新塋、含酸一慟哭、異口同哀聲、舊壠轉燕
絕、新墳日羅列、春風草綠北邙山、此地年
年生死別、今來民又於壠來寄

日燕長相思、夢寐登時、影亦融暮、人壽
九月西風興、月冷霜華凝、思君秋夜長、一
夜魂九升、二月東風來、草拆花心開、思君
春日遲、一夜腸九迴、妾住洛橋北、君住洛
橋南、十五即相識、今年二十三、有如女蘿

草生在松之側、蔓短枝苦高、縈迴上不得、
人言入有願、願至天必成、願作遠方歎、步
步比肩行、願作深山木、枝枝連理生、請入

米土山鷓鴣

山鷓鴣朝朝暮暮啼、復啼啼時露白風淒
淒、黃茅岡頭秋日晚、苦竹嶺下寒月低、畚
田有粟何不啄、石楠有枝何不棲、迢迢不
緩復不急、樓上舟中夜闌入、夢鄉遷客展
轉卧、抱兒寡婦彷徨立、山鷓鴣爾本此鄉

鳥生不辭巢不別群何苦聲聲啼到曉啼
到曉唯能愁北人南人慣聞如不聞

放旅鴈

元和十年冬作

對鴈

九江十年冬大雪江水生冰樹枝折百鳥
無食東西飛中有旅鴈聲最飢雪中啄草
水上宿翅冷騰空飛動遲江童持網捕將
去手攜入市生賣之我本北人今譴謫人
鳥雖殊同是客見此客鳥傷客人贖汝放
汝飛入雲鴈鴈汝飛向何處第一莫飛西

北去淮西有賊討未平百萬甲兵久屯聚
官軍賊軍相守老食盡兵窮將及汝健兒
飢餓射汝喫拔汝翅翎爲箭羽

送春歸
元和十一年三月十一日

作

送春歸
元和十一年三月十一日

送春歸三月盡日日暮時去年杏園花飛
御溝綠何處送春曲江曲今年杜鵑花落
子規啼送春何處西江西帝城送春猶快
快天涯送春能不加惆悵莫惆悵送春人

冗負無替五十年罷應須准擬再送潯陽
春五年炎涼凡十變又知此身健不健好
去今年江上春明年未死還相見
送春山石榴寄元九
暮春
去平
杏園
並
山石榴一名山躑躅一名杜鵑花杜鵑啼
時花撲撲九江三月杜鵑來一聲催得一
枝開江城上閑無事山下斲得廳前栽爛
熳一攔十八樹根株有數花無數千芳萬
葉一時新嫩紫殷紅鮮麴塵淚痕裊損燕

栽作栽

支臉翦刀栽破紅綃巾謫仙初墮愁在世
姍女新嫁嬌泥春日射血珠將滴地風翻
火焰欲燒人閑折兩枝持在手細看不似
人間有花中此物似西施芙蓉芍藥皆嫫
母奇芳絕豔別者誰通州遷客元拾遺拾
遺初貶江陵去去時正值青春暮商山秦
嶺愁殺君山石榴花紅夾路題詩報我何
所云苦云色似石榴裙當時藪畔唯思我
今日欄前只憶君憶君不見坐銷落日西

別名作人

風起紅紛紛，紛紛剝去剝去，不長坐，離空日西。
畫竹歌，并引。蘇詩：知葉細細，知風
恊律郎。蕭悅善畫竹，舉時無倫。蕭亦甚自
祕重，有終歲求其一竿，一枝而不得者，知
予。天與好事，忽寫一十五竿，惠然見投。予
厚其意，高其藝，無以答貺，作歌以報之。凡
一百八十六字云。

植物之中，竹難寫。古今雖畫無似者。蕭郎
下筆獨逼真。丹青以來唯一人。人畫竹身
肥，擁腫蕭。畫竹莖瘦，節竦人。畫竹梢死，羸
垂。蕭畫竹枝活，葉動，不根而生。從意生，不
筍而成。由筆成。野塘水邊，碕岸側，森森兩
叢，十五莖。嬋娟不失筠粉態，蕭颯盡得風
烟情。舉頭忽看，不似畫。佞耳靜聽，疑有聲。
西叢七莖勁而健，省向天竺寺前石上見。
東叢八莖踈且寒，憶曾湘妃廟裏雨中看。
幽姿遠思少人別，與君相顧空長歎。蕭郎
蕭郎老可惜，手戰眼昏頭雪白。自言便是

絕筆時從今此竹尤難得
幽姿真娘墓人限與我
真娘墓虎丘道不識真娘鏡中面唯見真娘墓頭草霜摧桃李風折蓮真娘死時猶少年脂膚莢手不牢固世間有物難留連難留連易銷歇塞北花江南雪
楚西長恨歌傳
前進士陳鴻撰
開元中泰階平四海無事玄宗在位歲久倦于旰食宵衣政無小大始委于右丞相

深居遊宴以聲色自娛先是元獻皇后武淑妃皆有寵相次即世宮中雖良家子千數無可悅目者上心忽忽不樂時每歲十月駕幸華清宮內外命婦熠燿景從浴日餘波賜以湯沐春風靈液澹蕩其間上心油然而若有顧遇左右前後粉色如土詔高力士潛搜外宮得弘農楊玄琰女于壽邸既笄矣鬢髮膩理纖穠中度舉止閑冶如漢武帝李夫人別疏湯泉詔賜藻瑩既出

水體弱力微若不任羅綺光彩煥發轉動
照入上甚悅進見之日奏霓裳羽衣曲以
導之定情之夕授金釵鈿合以固之又命
戴步搖垂金璫明年冊爲貴妃半后服用
繇是冶其容敏其詞婉孌萬態以中上意
上益嬖焉時省風九州泥金五岳驪山雪
夜上陽春朝與上行同室宴專席寢專房
雖有三夫人九嬪二十七世婦八十一御
妻暨後宮才人樂府妓女使天子無顧眄

意自是六宮無復進幸者非徒殊豔尤態
致是蓋才智明慧善巧便佞先意希旨有
不可形容者叔父昆弟皆列在清貴爵爲
通侯姊妹封國夫人富埒王室車服邸第
與大長公主侔而恩澤勢力則又過之出
入禁門不問京師長吏爲之側目故當時
謠詠有云生女勿悲酸生兒勿喜歡又曰
男不對侯女不作妃看女却爲門上楣其人
心羨慕如此天寶末兄國忠盜丞相位愚

弄國柄及安祿山引兵嚮關以討楊氏爲
辭潼關不守翠華南幸出咸陽道次馬嵬
亭六軍徘徊持戟不進從官郎吏伏上馬
前請誅錯以謝天下柔國忠奉釐纓盤水死
於道周左右之意未快上問之當時敢言
者請以貴妃塞天下怒上知不免而不忍
見其死反袂掩面使牽之而去蒼黃展轉
竟就絕於尺組之下既而玄宗狩成都肅
宗受禪靈武明年大兇歸元太駕還都尊

玄宗爲太上皇就養南宮遷于西內時移
事去樂盡悲來每至春之日冬之夜池蓮
夏開宮槐秋落梨園弟子玉琯發音聞霓
裳羽衣一聲則天顏不怡左右獻歛三載
一意其念不衰求之夢魂杳不能得適有
道士自蜀來知上皇心念楊妃如是自言
有李少君之術玄宗大喜命致其神方士
乃竭其術以索之不至又能遊神馭氣出
天界沒地府以求之不見又旁求四虛上

下東極天海跨蓬壺見最高仙山上多樓
 闕西廂下有洞戶東嚮闔其門署曰玉妃
 太真院方士抽簪叩扉有雙童女出應門
 方士造次未及言而雙鬟復入俄有碧衣
 侍女又至詰其所從方士因稱唐天子使
 者且致其命碧衣云玉妃方寢請少待之
 于時雲海沉沉洞天日晚瓊戶重闔悄然
 無聲方士屏息斂足拱手門下久之而碧
 衣迎入且曰玉妃出見一人冠金蓮披紫

迎作延

然作然

綃珮紅玉曳鳳舄左右侍者七八人揖方
 士問皇帝安否次問天寶十四年已還事
 言訖憫默指碧衣取金釵鈿合各析其半
 授使者曰為謝太上皇謹獻是物尋舊好
 也方士受辭與信將行色有不足玉妃固
 徵其意復前跪致詞請當時一事不為他
 人聞者驗於太上皇不然恐鈿合金釵負
 新垣平之詐也玉妃茫然退立若有所思
 徐而言之曰昔天寶十載侍輦避暑驪山

宮秋七月牽牛織女相見之夜秦人風俗是夜張錦繡陳飲食樹瓜華焚香于庭號為乞巧宮掖間尤尚之夜殆半休侍衛於東西廂獨侍上上凭肩而立因仰天感牛女事密相誓心願世世為夫婦言畢執手各嗚咽此獨君王知之耳因自悲曰由此一念又不得居此復墮下界且結後緣或為天或為人決再相見好合如舊因言太上皇不亦久人間幸惟自安無自苦耳使

者還奏太上皇皇心震悼日日不豫其年夏四月南宮晏駕元和元年冬十二月太原白樂天自校書郎尉于鰲屋鴻與琅邪王質夫家于是邑暇日相攜遊仙遊寺話及此事相與感歎質夫舉酒於樂天前曰夫希代之事非遇出世之才潤色之則與時消沒不聞于世樂天深於詩多於情者也試為歌之如何樂天因為長恨歌意者不但感其事亦欲懲尤物窒亂階垂於將

來也歌既成使鴻傳焉世所不聞者予非
開元遺民不得知世所知者有玄宗本紀
在、今但傳長恨歌云爾宋詩卷之八
漢皇重色思傾國御宇多年求不得楊家
有女初長成養在深閨人未識天生麗質
難自棄一朝選在君王側迴眸一笑百媚
生六宮粉黛無顏色春寒賜浴華清池溫
泉水滑洗凝脂侍兒扶起嬌無力始是新
承恩澤時雲鬢花顏金步搖芙蓉帳暖度
春宵春宵苦短日高起從此君王不早朝
承歡侍宴無閑暇春從春遊夜專夜後宮
佳麗三千人三千寵愛在一身金屋粧成
嬌侍夜玉樓宴罷醉和春姊妹弟兄皆列
土可憐光彩生門戶遂令天下父母心不
重生男重生女驪宮高處入青雲仙樂風
飄處處聞緩歌縵舞凝絲竹盡日君王看
不足漁陽鼙鼓動地來驚破霓裳羽衣曲
九重城闕烟塵生千乘萬騎西南行翠華

搖搖行復止、西出都門百餘里、六軍不發
無柰何、宛轉娥眉馬前死、花鈿委地無人
收、翠翹金雀玉搔頭、君王掩面救不得、迴
看血淚相和流、黃埃散漫風蕭索、雲棧縈
紆登劍閣、峨嵋山下少人行、旌旗無光日
色薄、蜀江水碧蜀山青、聖主朝朝暮暮情、
行宮見月傷心色、夜雨聞鈴腸斷聲、天旋
日轉迴龍馭、到此躊躇不能去、馬嵬坡下
泥土中、不見玉顏空死處、君臣相顧盡霑

衣、東望都門信馬歸、歸來池苑皆依舊、太
液芙蓉未央柳、芙蓉如面柳如眉、對此如
何不淚垂、春風桃李花開夜、秋雨梧桐葉
落時、西宮南苑多秋草、宮葉滿階紅不掃
梨園弟子白髮新、椒房阿監青娥老、夕殿
螢飛思悄然、孤燈挑盡未成眠、遲遲鐘鼓
初長夜、耿耿星河欲曙天、鴛鴦瓦冷霜華
重、翡翠衾寒誰與共、悠悠生死別經年、魂
魄不曾來入夢、臨邛道士鴻都客、能以精

誠致魂魄爲感君王展轉思迷教方士殷
勤覓排空馭氣奔如電昇天入地求之遍
上窮碧落下黃泉兩處茫茫皆不見忽聞
海上有仙山山在虛無縹緲間樓閣玲瓏
五雲起其中綽約多仙子中有仙人字玉
真雪膚花貌參差是金闕西廂叩玉肩轉
教小玉報雙成聞道漢家天子使九華帳
裏夢中驚攬衣推枕起徘徊珠箔銀屏遷
迤開雲鬢半垂新睡覺花冠不整下堂來

風吹仙袂飄飄舉猶似霓裳羽衣舞玉容
寂寞淚攔干梨花一枝春帶雨含情凝睇
謝君王一別音容兩渺茫昭陽殿裏恩愛
絕蓬萊宮中日月長迴頭下望人寰處不
見長安見塵霧唯將舊物表深情鈿合金
釵寄將去釵留一股合一扇釵擘黃金合
分鈿但令心似金鈿堅天上人間會相見
臨別殷勤重寄詞詞中有誓兩心知七月
七日長生殿夜半無人私語時在天願作

比翼鳥在地願爲連理枝，天長地久有時盡，此恨綿綿無盡期。
蟬鬢加意梳，蛾眉用心掃，幾度曉粧成，君看不言好，妾身重同穴，君意輕，偕老惆悵，去年來，心知未能道，今朝一開口，語少意何深，願引他時事，移君此日心，人言夫婦親，義合如一身，及至死生際，何曾苦樂均，婦人一喪夫，終身守孤子，有如林中竹，忽

被風吹折，一折不重生，枯死猶抱節，男兒若喪婦，能不暫傷情，應似門前柳，逢春易發榮，風吹一枝折，還有一枝生，爲君委曲言，願君再三聽，須知婦人苦，從此莫相輕。

長安道

花枝缺處青樓開，豔歌一曲酒一盃，美人勸我急行樂，自古朱顏不再來，君不見外州客，長安道，一回來，一廻老，

缺缺也
則下有官字
夫下有時

不得哭，潛別離。不得語，暗相思。兩心之外，
無人知。深籠夜鎖，獨棲鳥。利劍春斷，連理
枝。河水雖濁，有清自。馬頭雖黑，有白時。唯
有潛離與暗別，彼此甘心無後期。

隔浦蓮

隔浦愛紅蓮，昨日看猶在。夜來風吹落，只
得一迴採。花開雖有明年期，復愁明年還
暫時。

寒食野望吟
野望吟
寒食野望吟
野望吟

立墀郭門外，寒食誰家哭。風吹曠野紙錢
飛，古墓纍纍春草綠。棠梨花映白楊樹，盡
是死生離別處。冥冥重泉哭不聞，蕭蕭暮
雨人歸去。

六百琵琶引

并序

元和十年，予左遷九江郡司馬。明年秋，送
客湓浦口，聞舟船中夜彈琵琶者，聽其音，
錚錚然有京都聲。問其人，本長安倡女，嘗
學琵琶於穆曹二善才。年長色衰，委身為

賈人婦遂命酒使快彈數曲曲罷惘然自
叙少小時歡樂事今漂淪憔悴轉徙於江
湖間予出官二年恬然自安感斯人言是
夕始覺有遷謫意因爲長句歌以贈之凡
六百一十二言命曰琵琶行

潯陽江頭夜送客楓葉荻花秋索索主人
下馬客在船舉酒欲飲無管絃醉不成歡
慘將別別時茫茫江浸月忽聞水上琵琶
聲主人忘歸客不發尋聲闐問彈者誰琵

琶聲停欲語遲移船相近邀相見添酒廻
燈重開宴千呼萬喚始出來猶抱琵琶半
遮面轉軸撥絃三兩聲未成曲調先有情
絃絃掩抑聲聲思似訴平生不得意佯眉
信手續續彈說盡心中無限事輕攏慢撚
抹復挑初爲霓裳後綠腰大絃嘈嘈如急
雨小絃切切如私語嘈嘈切切錯雜彈大
珠小珠落玉盤間關鶯語花底滑幽咽泉
流水下灘冰泉冷澀絃凝絕凝絕不通聲

暫歇別有幽愁暗恨生此時無聲勝有聲
銀瓶乍破水漿迸鐵騎突出刀槍鳴曲終
收撥當心畫四絃一聲如裂帛東船西舫
悄無言唯見江心秋月白沉吟放撥挿絃
中整頓衣裳起斂容自言本是京城女家
在蝦蟇陵下住十三學得琵琶成名屬教
坊第一部曲罷曾教善才伏粧成每被秋
娘妬五陵年少爭纏頭一曲紅綃不知數
鈿頭雲篔擊節碎血色羅裙翻酒汙今年

歡笑復明年秋月春風等閑度第走從軍
阿姨死暮去朝來顏色故門前冷落鞍馬
稀老大嫁作商人婦商人重利輕別離前
月浮梁買茶去去來江口守空船遶船月
明江水寒夜深忽夢少年事夢啼粧淚紅
闌干我聞琵琶已歎息又聞此語重唧唧
同是天涯淪落人相逢何必曾相識我從
去年辭帝京謫居卧病潯陽城潯陽小處
無音樂終歲不聞絲竹聲住近湓江地低

濕黃蘆苦竹繞宅生其間旦暮聞何物杜
鵲啼血猿哀鳴春江花朝秋月夜往往取
酒還獨傾豈無山歌與村笛歐啞嘲哢難
爲聽今夜聞君琵琶語如聽仙樂耳暫明
莫辭更坐彈一曲爲君翻作琵琶行感我
此言良久立却坐促絃絃轉急淒淒不似
向前聲滿座重聞皆掩泣就中泣下誰最
多江州司馬青衫濕西門前今茲神異
潮矣簡簡吟吟日春風等閑竟策去外軍

蘇家小女名簡簡芙蓉花腮柳葉眼十一
把鏡學點粧十二抽針能繡裳十三行坐
事調品不肯迷頭白地藏玲瓏雲髻生菜
樣飄飄風袖薔薇香殊姿異態不可狀忽
忽轉動如有光二月繁霜殺桃李明年欲
嫁今年死文人阿母勿悲啼此女不是凡
夫妻恐是天仙謫人世只合人間十三歲
大都好物不堅牢彩雲易散琉璃脆

花非花

蘇家小女名簡簡芙蓉花腮柳葉眼十一
把鏡學點粧十二抽針能繡裳十三行坐
事調品不肯迷頭白地藏玲瓏雲髻生菜
樣飄飄風袖薔薇香殊姿異態不可狀忽
忽轉動如有光二月繁霜殺桃李明年欲
嫁今年死文人阿母勿悲啼此女不是凡
夫妻恐是天仙謫人世只合人間十三歲
大都好物不堅牢彩雲易散琉璃脆

花非花霧非霧夜半來天明去來如春夢
幾多時去似朝雲無覓處

醉後狂言酬贈蕭殷二協律

餘杭邑客多羈貧其間甚者蕭與殷天寒
身上猶衣葛日高甌中未拂塵江城山寺
十一月北風吹砂雪紛紛賓客不見綈袍
惠黎庶未霑襦袴恩此時太守自慙愧重
衣複衾有餘溫因命染人與針女先製兩
裘贈二君吳縣細軟桂布密柔如狐腋白

似雲勞將詩書投贈我如此小惠何足論
我有大裘君未見寬廣和煖如陽春此裘
非繒亦非纊裁以法度絮以仁刀尺鈍拙
製未出畢亦不獨裹一身若今在郡得五
考與君展覆杭州人

醉歌

引李亦妓人高玲瓏

罷胡琴掩秦瑟玲瓏再拜歌初畢誰道使
君不解歌聽唱黃雞與白日黃雞催曉丑
時鳴白日催年酉前沒腰間紅綬繫未穩

鏡裏朱顏看已失玲瓏玲瓏柰老何使君

歌子汝更歌國寶與白日黃髮對誰正

謂時琴瑟素瑟今歸再轉燭時年暗齒對

餘杭輕燭多感不問世者蕭然殿天

卷與我思靈賦他人中未辨塵山城山

白氏文集卷第十二

非餘亦非

春林大來

心雲發

白氏文集卷第十三

律詩除五言七言雜自兩韻至三百

韻數凡九十九首

代書詩一首韻寄微之贊可

憶在貞元歲初登典校司身名同自授心

事一言知肺腑都無隔形骸兩不羈踈狂

屬年少閑散為官卑分定金蘭契言通藥

石規交賢友汲汲友直每惔惔有月多同

賞無盃不共持秋風拂琴匣夜雪卷書帷

高上慈恩塔幽尋皇子陂唐昌玉藥會崇
敬牡丹期笑勸遷辛酒閑吟短李詩儒風
愛敦質佛理尚玄師度日曾無悶通宵靡
不爲雙聲聯律句八面對宮棊往往遊三
省騰騰出九達寒銷直城路春到曲江池
樹暖枝條弱山晴彩翠奇峯攢石綠點柳
宛麴塵絲岸草烟鋪地園花雪壓枝早光
紅照耀新溜碧遠迤幄幕侵堤布盤筵占
地施徵伶皆絕藝選妓悉名姬鉛黛凝春

態金鈿耀永嬉風流誇墜髻時世鬪啼眉
密坐隨歡促華樽逐勝移香飄歌袂動翠
落舞釵遺籌挿紅螺枕鮎飛白玉卮打嫌
調笑易飲訝卷波遲殘席誼譁散歸鞍酩
酩騎酡顏烏帽側醉袖玉鞭垂紫陌傳鐘
鼓紅塵塞路歧幾時曾覩別何處不相隨
荏苒星霜換廻環節候推兩衙多請假三
考欲成資運偶千年聖天成萬物宜皆當
少壯日同惜盛明時光景嗟虛擲雲霄竊

閭闔攻文朝矻矻講學夜孜孜策目穿如
 札毫鋒銳若錐繁張獲烏網堅守釣魚坻
 並受夔龍薦齊陳晁董詞萬言經濟略三
 道太平基中第爭無敵專場戰不疲輔車
 排勝陣倚角奪降旗雙闕紛容衛千僚儼
 等夷恩隨紫泥降名向白麻披既在高科
 選還從好爵縻東垣君諫諍西邑我驅馳
 再喜登烏府多慙侍赤墀官班分內外遊
 處遂參差每列鸛鷺序偏瞻獬豸姿簡威

霜凜冽衣彩繡歲蕤正色摧強禦剛腸嫉
 喔啖常憎持祿位不擬保妻兒養勇期除
 惡輸忠在滅私下韝驚鸞雀當道懾狐狸
 南國人無怨東臺吏不欺理寃多定國切
 諫甚辛毗造次行於是平生志在茲道將
 心共直言與行兼危水閣波翻覆山藏路
 險巖未為明主識已被倖臣疑木秀遭風
 折蘭芳遇霰萎千鈞勢易壓一柱力難支
 騰口因成瘡吹毛遂得疵憂來吟貝錦謫

去詠江籬邂逅塵中遇
殷勤馬上辭賈生
離魏闕王粲向荊夷
水過清源寺山經綺
季祠心搖漢臯珮
淚墮峴亭碑驛路綠雲
際城樓枕水湄
思鄉多繞澤闕獨登陴
林晚青蕭索江平綠渺瀰
野秋鳴蟋蟀沙
冷聚鷗鷺官舍黃茅屋
人家苦竹籬白醪
充夜酌紅粟備晨炊
寡鶴推風翻鰓魚失
水鬢鬢離啼且渴涼
葉墜相思一點寒燈
滅三聲曉角吹藍衫
經雨故驄馬卧霜羸
念涸誰濡沐嫌醒自
歎醜耳垂無伯樂舌
在有張儀負氣衝星
劍傾心向日葵金言
自銷鑠玉性肯磷緇
伸屈須看蠖窮通莫
問龜定知身是患當
用道爲醫想子今如
彼嗟予獨在斯無聊
當歲杪有夢到天涯
坐阻連襟帶行乘接
履綦潤銷衣上霧香
散室中芝念遠緣遷
貶驚時爲別離素書
三往復明月七盈虧
舊里非難到餘歡不
可追樹依興善老草
傍靜安衰前事思如

昨中懷寫向誰北村尋古栢南宅訪辛夷
此日空搔首何人共解頤病多知夜永年
長覺秋悲不飲長如醉加飡亦似飢狂吟
坐千字因使寄微之
和鄭方及第後秋歸洛下閑居
天
勤苦成名後優遊得意間玉憐同匠琢桂
恨隔年攀山靜豹難隱谷幽鷲斲還微吟
詩引步淺酌酒開顏門迥暮臨水窻深朝
對山雲衢日相待莫悞許身閑無外樂奇

新身與諸同年賀座主侍郎新拜太常同
宴肅尚書亭子
不
寵新卿典禮會盛客徵文不失遷鷲侶因
成賀鸞群池臺晴間雪冠蓋暮和雲共仰
會攀處年深桂尚薰
東都冬日會諸同聲宴鄭家林亭
盛時陪上第假日會群賢桂折應同樹鷲
遷各異年賓階紛組珮妓席儼花鈿促膝
齊貧賤差肩次後先助歌林下水銷酒雪

中天他日昇沉者無忘共此筵
叙德書情四十韻上宣歙崔中丞
元聖生乘運忠賢出應期還將稽古力助
立太平基土控吳兼越州連歙與池山河
地襟帶軍鎮國藩維廉察安江甸澄清肅
海夷股肱分外守耳目付中司楚老歌來
暮秦人詠去思望如時雨至福似歲星移
政靜民無訟刑行吏不欺搗謙驚主寵陰
德畏人知白玉慙溫色朱繩讓直辭行爲
時領袖言作世著龜盛幕招賢士連營訓
銳師光華下鸚鷺氣色動熊羆出入麾幢
引登臨劔戟隨好風迎解榻美景待褰帷
晴野霞飛綺春郊柳宛絲城烏驚畫角江
鴈避紅旗藉草朱輪駐攀花紫綬垂山宜
謝公屐洲稱柳家詩酒氣和芳杜絃聲亂
子規分毬齊馬首列舞匝蛾眉醉惜年光
晚歡憐日影遲迴塘排玉棹歸路擁金羈
自顧龍鍾者嘗蒙噢咻之仰山塵不讓涉

海氷難爲身，黍鄉人薦名。因國士推提攜，
增善價，拂拭長妍姿。射策端心術，遷喬整
羽儀。幸穿楊遠葉，謬折桂高枝。佩德潛書
帶，銘仁闇勒肌。飭躬趨館舍，拜手挹階墀。
霄漢程雖在，風塵迹尚卑。弊衣羞布素，敗
屋厭茅茨。養乏晨昏膳，居無伏臘資。盛時
貧可耻，壯歲病堪嗤。擢第名方立，耽書力
未疲。磨鉛重剗割，策蹇再奔馳。相馬須憐
瘦，呼鷹正及飢。扶搖重借便，會有答恩時。

和渭北劉大夫借便秋遮虜寄朝中
親友

巨鎮爲邦屏，全材作國楨。鞞鈴漢上將，文
墨魯諸生。豹虎關西卒，金湯渭北城。寵深
初受祭，威重正揚兵。陣占山河布，軍諳水
草行。夏苗侵虎落，宵遁失蕃營。雲隊攢戈
戟，風行卷旆旌。候空烽火滅，氣勝鼓鼙鳴。
胡馬辭南牧，周師罷北征。迴頭問天下，何
處有攬旌。

題故曹王宅

甲第何年置，朱門此地開。山當賓閣出，溪繞妓堂迴。覆井桐新長，蔭窻竹舊栽。地荒紅菌蔞，砌老綠莓苔。捐館梁王去，思人楚客來。西園飛蓋處，依舊月徘徊。

墨曾自江陵之徐州路上寄兄弟

岐路南將北，離憂弟與兄。關河千里別，風雪一身行。夕宿勞鄉夢，晨裝慘旅情。家貧憂後事，日短念前程。煙鴈翻寒渚，霜烏聚古城。誰怜陟岡者，西楚望南荆。

帝子酬哥舒大見贈

去歲歡遊何處去，曲江西岸杏園東。花下忘歸因美景，樽前勸酒是春風。各從微宦風塵裏，共度流年離別中。今日相逢愁又喜，八人分散兩人同。

和談校書秋夜感懷呈朝中親友

遙夜涼風楚客悲，清砧繁漏月高時。秋霜似鬢年空長，春草如袍位尚卑。詞賦擅名

來已久、煙霄得路去何遲、漢庭卿相皆知
已、不薦揚雄欲薦誰、

感秋寄遠

惆悵時節晚、兩情千里同、離憂不散處、庭
樹正秋風、鶯影動歸翼、蕙香銷故叢、佳期
與芳歲、牢落兩成空、
帝子吹簫逐鳳皇、空留仙洞號華陽、落花
何處堪惆悵、頭白宮人掃影堂、

和自秋雨中贈元九

不堪紅葉青苔地、又是涼風暮雨天、莫恠
獨吟秋思苦、比君校近二毛年、

莫悲城東閑遊

寵辱憂歡不到情、任他朝市自營營、獨尋
秋景城東去、白鹿原頭信馬行、

華對答韋八

麗句勞相贈、佳期恨有違、早知留酒待、悔
不趁花歸、春盡綠醅老、雨多紅萼稀、今朝

如一醉猶得及芳菲
華陽觀裏仙桃發
把酒看花心自知
爭忍開時不同醉
明朝後日即空枝
不勝和友人洛中春感
莫悲金谷園中月
莫歎天津橋上春
若學多情尋往事
人間何處不傷人

送張南簡入蜀
昨日詔書下
求賢訪陸沈
無論能與否
皆

起徇名心
君獨南遊去
雲山蜀路深

寄陸補闕

忽憶前年科第後
此時雞鶴豎同群
秋風

惆悵須吹散
雞在中庭鶴在雲

華陽觀中
八月十五日夜
招友翫月

人道秋中明月好
欲邀同賞意如何
華陽

洞裏秋壇上
今夜清光此處多

曲江憶元九

春來無伴閑遊少
行樂三分減二分
何況

今朝杏園裏，閑人逢盡不逢君。
二公所別
過劉三十二故宅

不見劉君來近遠，門前兩度滿枝花。
朝來
惆悵宣平過柳巷，當頭第一家。
吹阿華野
下邳莊南桃花
下正日文辭文譜民

村南無限桃花發，唯我多情獨自來。
日暮
風吹紅滿地，無人解惜爲誰開。
回轉吹風

三月三十日題慈恩寺

慈恩春色今朝盡，盡日徘徊倚寺門。
惆悵
春歸留不得，紫藤花下漸黃昏。

一爲看渾家牡丹花，戲贈李兵千。
坐服今
香勝燒蘭紅勝霞，城中最數令公家。
人人
散後君須看，歸到江南無此花。
對昔爲器
對不春中與盧四周諒，華陽觀同居。

性情懶慢好相親，門巷蕭條稱作鄰。
背燭
共憐深夜月，踏花同惜少年春。
杏壇住僻
雖宜病芸閣，官微不救貧。
文行如君尚憔悴，不知霄漢待何人。
外書題於李六詩戲

李六拾遺
二十六先華字

青門走馬越心期，惆悵歸來已校遲。
應過唐昌玉藥後，猶當崇敬牡丹時。
顰遊還憶崔先輩，欲醉先邀李拾遺。
尚殘半月芸香俸，不作歸糧作酒資。
臨華對顰同云
顰對顰屋縣北樓望山無自此後詩為畿
香對尉時作湖顰賦中顰顰今公案人人
一為趨走吏塵土不開顏辜負平生眼今
朝始見山

對西縣西郊秋寄贈馬造
紫閣峯西清渭東，野煙深處夕陽中。
風荷老葉蕭條綠，水蓼殘花寂寞紅。
我厭宦遊君失意，可憐秋思兩心同。

別韋蘇

百年愁裏過，萬感醉中來。
惆悵城西別，愁眉兩不開。

戲題新栽蕃薇

移根易地莫憔悴，野外庭前六種春。
少府

無妻春寂寞、花開將爾當。夫人蘇春初、
酬王十八、李大見招遊山、夜遊、
自憐幽會心期阻、復愧嘉招書信頻。王事
牽身去不得、滿山松雪屬他人。凝西、
縣南花下醉中留劉五

百歲幾迴同、酩酊一年今日最芳菲。願將
花贈天台女、留取劉郎到夜歸。并、
宿楊家、
楊氏弟兄俱醉卧、披衣獨起下高齋。夜深

春

不語中庭立、月照藤花影上階。夫不至、
醉中留別楊六兄弟

春初攜手春深散、無日花間不醉狂。別後
何人堪共醉、猶殘十日好風光。

醉中歸、
金光門外昆明路、半醉騰騰信馬迴。數日
非關王事繫、牡丹花盡始歸來。

遊雲居寺、贈穆三十六地主、
亂峯深處雲居路、共踏花行獨惜春。勝地

本來無定主、大都山屬愛山人

和王十八、蕃薇澗花時、有懷蕭侍御

兼見贈

霄漢風塵俱是繫、蕃薇花委故山深、憐君
獨向澗中立、一把紅芳三處心

再因公事到駱口驛

今年到時夏雲白、去年來時秋樹紅、兩度
見山心有愧、皆因王事到山中

李二十文略王十八質夫不至、獨

宿仙遊寺

文略也從牽吏役、質夫何故戀囂塵、始知
解愛山中宿、千萬人中無一人

酬趙秀才贈新登科諸先輩

莫羨蓬萊鸞鶴侶、道成羽翼自生身、君看
名在丹臺者、盡是人間脩道人

過天門街

雪盡終南又欲春、遙憐翠色對紅塵、千車
萬馬九衢上、迴首看山無二丈書跋

薛氏惜玉藥花有懷集賢王校書起

芳意將闌風又吹白雲離葉雪辭枝集賢

讎校無閑日落盡瑤花君不知

春送盧秀才下第遊太原謁嚴尚書

未將時會合且與俗浮沉鴻養青冥翮蛟

潛雲雨心煙郊春別遠風磧暮程深墨客

搜何處并州舊翰林中無一人

長安送柳太東歸何如

白杜羈遊伴青門遠別離浮名相引住歸

路不同歸韻不

送文暢上人東遊未

得道即無著隨緣西復東貌依年臘老心

到夜禪空山宿馴溪虎江行瀘水蟲悠悠

塵客思春滿碧雲中何

社日關路作詩

晚景函關路涼風社日天青巖新有鸞紅

樹欲無蟬愁立驛樓上厭行官堠前蕭條

秋興苦漸近二毛年何

杜又社

杜又社

杜又社

殊興重到毓村宅有感
欲入中門淚滿巾
庭花無主兩迴春
軒窗簾幕皆依舊
只是堂前欠青人
亂後過流溝寺

九月徐州新戰後
悲風殺氣滿山河
唯有流溝山下寺
門前依舊白雲多
多病多愁心自知
行年未老髮先衰
隨梳落去何須惜
不落終須變作絲

留別吳七正字
成名共記甲科上
署吏同登芸閣間
唯是塵心殊道性
秋蓬常轉水長閑

除夜宿洛州
家寄關西住
身爲河北遊
蕭條歲除夜
旅泊在洛州
邯鄲至除夜思家

邯鄲驛裏逢冬至
抱膝燈前影對身
想得家中夜深坐
還應說著遠行人

卷中冬至夜懷湘靈
豔質無由見，寒衾不可親。
何堪最長夜，俱作獨眠人。
感故張僕射諸妓
黃金不惜買蛾眉，揀得如花三四枝。
歌舞教成心力盡，一朝身去不相隨。

遊仙遊山

閻將心地出人間，五六年來入恠閑。
自嫌戀著未全盡，猶愛雲泉多在山。

見尹公亮新詩，偶贈絕句，未敢報袖裏新詩十首餘，吟看句句是瓊琚。如何持此將干謁，不及公卿一字書。

長安閑居

風竹松煙晝掩關，意中長似在深山。
無人不恠長安住，何獨朝朝暮暮閑。
早春獨遊曲江，散職無羈束，羸駿少送迎。
朝從直城出，春傍曲江行。
風起池東暖，雲開山北晴。
水銷

泉脉動、雪盡草牙生、露杏紅初坼、煙楊綠
未成影、遲新度鴈聲、澀欲啼鸞、閑地心俱
靜、韶光眼共明、酒狂憐性逸、藥効喜身輕
慵慢踈人事、幽棲遂野情、迴看芸閣笑、不
似有浮名、畫齋關意中、身必在、新山無
祕書省中憶舊山、不相陪
厭從薄宦校青簡、悔別故山思白雲、猶喜
蘭臺非傲吏、歸時應免動移文、更無
涼夜有懷、後詩、並未應舉時

且雜作

清風吹枕席、白露濕衣裳、好是相親夜、漏
遲天氣涼、

送武士曹歸蜀

花落鳥嚶嚶、南歸稱野情、月宜秦嶺宿、春
好蜀江行、鄉路通雲棧、郊扉近錦城、烏臺
陟岡送、人羨別時榮、

江南送北客因憑寄徐州兄弟書

時年十五

故園望斷欲何如、楚水吳山萬里餘、今日

因君訪兄弟、數行鄉淚、一封書、
賦得古原草送別、
離離原上草、一歲一枯榮、
野火燒不盡、春風吹又生、
遠芳侵古道、晴翠接荒城、
又送王孫去、萋萋滿別情、
夜哭李夷道

逝者絕影響、空庭朝復昏、
家人哀臨畢、夜鎖壽堂門、
無妻無子何人葬、空見銘旌向
月翻

病中作

又爲勞生事、不學攝生道、
少年已多病、此身豈堪老、

秋江晚泊

扁舟泊雲島、倚棹念鄉國、
四望不見人、煙江澹秋色、
客心貧易動、日入愁未息、

旅次景空寺宿幽士入院

不與人境接、寺門開向山、
暮鐘鳴鳥聚、秋雨病僧閑、
月隱雲樹外、螢飛廊宇間、
幸投

花界宿暫得靜心顏、長螢飛滅宇間幸、
不與長安正月十五日、山暮重、
誼誼車騎帝玉州、羈病無心逐勝遊、
明月春風三五夜、萬人行樂、
原上新墳委一身、城中舊宅有何人、
妓堂賓閣無歸日、野草山花又欲春、
門客空將感恩淚、白楊風裏一
寒食、
月、
寒食、
病、

病逢佳節長歎息、春雨濛濛榆柳色、
羸坐全非舊日容、扶行半是他人力、
誼誼里巷踏青歸、笑閉柴門度寒食、

宿桐廬館同崔存度醉後作

江海漂漂共旅遊、一樽相勸散窮愁、
夜深醒後愁還在、雨滴梧桐山館秋、

江樓望歸

滿眼雲水色、月明樓上人、
旅愁春入越、鄉夢夜歸秦、
道路通荒服、田園隔虜塵、
悠悠

滄海畔、十載避黃巾、
除夜寄弟妹

感時思弟妹、不寐百憂生、
燈此夜情、病容非舊日、
重歡會、羈離各長成、

寒食月夜

風香露重梨花濕、草舍無燈愁未入、
北里歌吹時、獨倚柴門月中立、

今日階前紅芍藥、幾花欲老幾花新、
不解比色相、落後始知如幻身、
幾多地、欲把殘花問上人、

晚秋閑居

地僻門深少送迎、披衣閑坐養幽情、
不掃攜藤杖、閑踏梧桐黃葉行、

秋暮郊居書懷

郊居人事少、晝卧對林巒、
家愁早寒葛衣秋、未換書卷病仍看、

生涯計前溪一釣竿、
半死梧桐老病身、
雉子夜歸院、月冷房空不見人、
路傍寒食行人絕、
垂鞭愁不語、風吹百草野田香、

題流溝寺古松

烟葉葱龍蒼塵尾、
霜皮駁落紫龍鱗、
欲知

松老看塵壁、
死却題詩幾許人、
感月悲逝者、

存亡感月一潛然、
月色今宵似往年、
何處
曾經同望月、
櫻桃樹下後堂前、

十里代鄰叟言懷

人生何事心無定、
宿昔如今意不同、
宿昔
愁身不得老、
如今恨作白頭翁、
自河南經亂、
關內阻飢、
兄弟離散、
各
在一處、
因望月有感、
聊書所懷、
寄上

浮梁大兄、於潛七兄、烏江十五兄、兼
示符離及下邳弟妹、贈吳陵謝岳
時難年飢、世業空、弟兄羈旅、各西東、田園
寥落、干戈後、骨肉流離、道路中、弔影分爲
千里鴈、辭根散作九秋蓬、共看明月應垂
淚、一夜鄉心五處同、

長安早春旅懷

軒車歌吹、誼都邑、中有一人向隅立、夜深
明月卷簾愁、日暮青山望鄉泣、風吹新綠

草牙拆、雨灑輕黃柳條濕、此生知負少年
春、不展愁眉欲三十、

寒閨夜

夜半衾裯冷、孤眠懶未能、籠香銷盡火、巾
淚滴成冰、爲惜影相伴、通宵不滅燈、

寄湘靈

淚眼零寒凍不流、每經高處即迴頭、遙知
別後西樓上、應凭欄杆獨自愁、

冬至宿楊梅館

十里松杉入紫微、

十一月長至夜、三千里外遠行人、若爲
獨宿揚梅館、冷枕單牀一病身、

臨江送夏瞻

悲君老別我、霑巾七十無家萬里身、愁見

舟行風又起、白頭浪裏白頭人、

冬夜示敏巢

爐火欲銷燈欲盡、夜長相對百憂生、他時

諸處重相見、莫忘今宵燈下情、

客中守歲

守歲樽無酒、思鄉淚滿巾、始知爲客苦、不
及在家貧、畏老偏驚節、防愁預惡春、故園
今夜裏、應念未歸人、

百草問淮水

自嗟名利客、擾擾在人間、何事長淮水、東
流亦不閑、

宿樟亭驛

夜半樟亭驛、愁人起望鄉、月明何所見、潮
水白茫茫、

水白及第後憶舊山
偶獻子虛登上第却吟招隱憶中林
春蘿秋桂莫惆悵縱有浮名不繫心

詞衣題李次雲窻竹

不用裁為鳴鳳管不須截作釣魚竿
千花百草凋零後留向紛紛雪裏看

今郊花下自勸酒人

酒盞酌來須滿滿花枝看即落紛紛
莫言三斗是年少百歲三分已幾分
為客苦不

白六題李十一東亭

相思夕上松臺立蛩思蟬聲滿耳
秋惆悵東亭風月好主人今夜在鄜州

春村

二月村園曉桑間戴勝飛
農夫春舊穀蠶妾禱新衣
牛馬因風遠雞豚過社稀
黃昏林下路鼓笛賽神歸

真具題施山人野居

得道應無著謀生亦不妨
春泥秧稻暖夜

白集十三
三十五
火焙茶香水巷風塵少、松齋日月長、高閑
真是貴、何處覓侯王、

白氏文集卷第十三

律詩 五言 七言 自兩韻至一百

韻 天凡一百首

翰林中、送獨孤二十七起居罷職出

院、李十一輞齋示公

碧落留雲住、青冥放鶴還、銀臺向南路、從

此到人間、所人驚、飄飄本理容、少閑愛

重尋杏園

忽憶芳時頻酌酊、却尋醉處重徘徊、杏花

結子春深後，誰解多情又獨來。

曲江獨行 自此後在翰林時作

獨來獨去何人識，既馬朝衣野客心。閑愛無風水邊坐，楊花不動樹陰陰。

同李十一 醉憶元九

花時同醉破春愁，醉折花枝作酒籌。忽憶故人天際去，計程今日到涼州。

同錢員外 題絕糧僧巨川

三十年來坐對山，唯將無事化人間。齋時

往往聞鐘笑，一食何如不食閑。

絕句代書贈錢員外

欲尋秋景閑行去，君病多慵我興孤。可惜今朝山最好，強能騎馬出來無。

會公 晚秋有懷鄭中舊隱

天高風嫋嫋，鄉思繞關河。寥落歸山夢，殷

勤採蕨歌。病添心寂寞，愁入鬢蹉跎。晚樹

蟬鳴少，秋階日上多。長閑羨雲鶴，又別愧

烟蘿。其奈丹墀上，君恩未報何。

禁中九日對菊花酒憶元九

賜酒盈杯誰共持宮花滿把獨相思相思

只傍花邊立盡日吟君詠菊詩

天高送王十八歸山寄題仙遊寺

會於太白峯前住數到仙遊寺裏來黑水

澄時潭底出白雲破處洞門開林間煖酒

繞紅葉石上題詩掃綠苔惆悵舊遊無復

到菊花時節羨君迴

答張籍因以代書

憐君馬瘦衣裘薄許到江東訪鄙夫今日

正閑天又暖可能扶病暫來無

曲江早春

曲江柳條漸無力杏園伯勞初有聲可憐

春淺遊人少好傍池邊下馬行

芥園見元九悼亡時因以此寄

夜淚閣銷明月幌春腸遙斷牡丹庭人間

此病治無藥唯有楞伽四卷經

寒食夜

無月無燈寒食夜、夜深猶立闌花前、忽因
時節驚年幾、四十如今欠一年、
郊外杏園花落時、招錢負外同醉、
花園欲去去應遲、正是風吹狼藉時、近西
數樹猶堪醉、半落春風半在枝、

西華重題西明寺牡丹、
往年君向東都去、曾歎花時君未迴、今年
況作江陵別、惆悵花前又獨來、只愁離別
長如此、不道明年花不開、

日知同錢負外禁中夜直、
宮漏三聲知半夜、好風吹月滿松筠、此時
閑坐寂無語、藥樹影中唯兩人、
禁中夜作書、與元九、
心緒萬端書兩紙、欲封重讀意遲遲、五聲
宮漏初明後、一點窻燈欲滅時、

八月十五日、夜禁中獨直、對月憶元
九、
銀臺金闕夕沉沉、獨宿相思在翰林、三五

夜中新月色，三千里外故人心。渚宮東面
煙波冷，浴殿西頭鐘漏深。猶恐清光不同
見，江陵卑濕足秋陰。禁中詔直樓，日新示
曾爾寄陳式五兄。願歎洛陽秋，新時近西
年來白髮兩三莖。憶別君時鬣未生，惆悵
料君應滿鬢。當初是我十年兄。

贈坐使順之，以紫霞綺遠贈，以詩答之。

千里故人心，鄭重一端香綺紫氛氲。開絨
日映晚霞色，滿幅風生秋水文。爲褥欲裁
憐葉破，製裘將翦惜花分。不如縫作合歡
被，寤寐相思如對君。

送元八歸鳳翔

莫道岐州三日程，其如風雪一身行。與君
况是經年別，蹀到城來又出城。雲外故人
雨雪放朝因，懷微之。簡

歸騎紛紛滿九衢，放朝三日爲泥塗。不知
雨雪江陵府，今日排衙得免無。

詠懷

歲去年來塵土中、眼看變作白頭翁、如何
辨得歸山計、兩頃村田一畝宮、

聞微之江陵卧病、以大通中散碧腴
垂雲膏寄之、因題四韻、

已題一帖紅消散、又封一合碧雲英、憑人
寄向江陵去、道路迢迢一月程、未必能治
江上瘴、且圖遙慰病中情、到時想得君拈
得枕上、開看眼、斲明、

酬錢員外雪中見寄

松雪無塵小院寒、閉門不似住長安、煩君
想我看心坐、報道心空無可看、

重酬錢員外

雪中重寄雪山偈、問答殷勤四句中、本立
空名緣破妄、若能無妄亦無空、

獨酌花前醉憶君、與君春別又逢春、惆悵

銀杯來處重、不會盛酒勸閑人、

微之宅殘牡丹

殘紅零落無人賞，雨打風摧花不全。諸處
見時猶悵望，況當元九小亭前。

衰容常晚櫛，秋鏡偶新磨。一與清光對方
知白髮多，鬢毛從幻化。心地付頭陀，任意
渾成雪。其如似夢何。

感髮落負衣

昔日愁頭白，誰知未白衰。眼看應落盡，無
可變成絲。小爾寒閑門不閉，封身安臥

對酒翫月，因懷禁中清景。偶題是

詩

秋月高懸空碧外，仙郎靜翫禁闈間。歲中
唯有今宵好，海內無如此地閑。皓色分明
雙闕傍，清光深到九門關。遙聞獨醉還惆
悵，不見金波照玉山。
酬王十八見寄
秋思太白峯頭雪，晴憶仙遊洞口雲。未報

皇恩歸未得，慙君爲寄北。山文口雲未時，
立春日酬錢負外曲江同行見贈。
下直遇春日，垂鞭出禁闈。兩人攜手語，十
里看山歸。柳色早黃淺，水文新綠微。風光
向晚好，車馬近南稀。機盡笑相顧，不驚鷗
鷺飛。

和錢負外青龍寺上方望舊山

舊峯松雪舊溪雲，悵望今朝遙屬君。共道
使臣非俗吏，南山莫動北山文。

一覽宴周皓大夫光福宅

何處風光最可憐，妓堂階下砌臺前。軒車
擁路光照地，絲管入門聲沸天。綠蕙不香
饒桂酒，紅櫻無色讓花鈿。野人不敢求他
事，唯借泉聲伴醉眠。

風賦晚秋夜

碧空溶溶月華靜，月裏愁人弔孤影。花開
殘菊傍疎籬，葉下衰桐落寒井。塞鴻飛急
覺秋盡，鄰雞鳴遲知夜永。凝情不語空所

思風吹白露衣裳冷
寂寞萎紅
但向雨離披
破豔散隨風
清明
風起應吹盡
夜惜衰紅把火看
惆悵階前紅牡丹
晚來唯有兩枝殘
明朝
落地猶惆悵
何況飄零泥土中
不妬朱
相
相逢俱歎不閑身
直日常多齋日頻
曉鼓
一聲分散去
明朝風景屬何人

答馬侍御見贈
謬入金門侍玉除
煩君問我意何如
蟠木
詎堪明主用
籠禽徒與故人疎
苑花似雪
同隨輦宮月如眉
伴直廬
淺薄求賢思自
代
秘康莫寄絕交書

上巳日恩賜曲江宴會即事

賜歡仍許醉
此會興如何
翰苑主恩重
曲江春意多
花低羞豔妓
鶯散讓清歌
共道
升平樂元和
勝永和
因

夜惜禁中桃花因懷錢貞外

前日歸時花正紅，今夜宿時枝半空。坐惜殘芳君不見，風吹狼藉月明中。

和錢貞外早冬翫禁中新菊

禁署寒氣遲，孟冬菊初拆。新黃間繁綠，爛若金照碧。仙郎小隱日，心似陶彭澤。秋憐潭上看，日慣籬邊摘。今來此地賞，野意潛自適。金馬門內花，玉山峯下客。寒芳引清句，吟翫煙景夕。賜酒色偏宜，握蘭香不敵。淒淒百卉死，歲晚冰霜積。唯有此花開，殷勤助君惜。

答劉戒之早秋別墅見寄

涼風木槿籬，暮雨槐花枝。併起新秋思，爲得故人詩。避地鳥擇木，升朝魚在池。城中與山下，喧靜闇相思。

涼夜有懷

念別感時節，早蛩聞一聲。風簾夜涼入，露篔秋意生。燈盡夢初罷，月斜天未明。闇凝

無限思起傍藥欄行
謂以餘天未即聞
秋思

病眠夜少夢閑立
秋多思寂寞餘雨晴
蕭條早寒至鳥栖紅
葉樹月照青苔地何
况鏡中年又過三十
二

禁中聞蛩
雨點
秋思

悄悄禁門閉夜深無
月明西窗獨闇坐滿
耳新蛩聲

切切闇窗下
啜啜深草裏
秋天思婦心
雨夜愁人耳

贈別宣上人
上人處世界清淨何
所似似彼白蓮花
在水不著水性真悟
泡幻行潔離塵滓
修道來幾時身心俱
到此嗟予牽世網不
得長依止離念與碧
雲秋來朝夕起

春夜喜雪有懷王二
十二
早

夜雪有佳趣幽人出
書帷微寒生枕席輕

素封階墀坐罷楚絃曲起吟班扇詩明宜
滅燭後淨愛褰簾時窻引曙色早庭銷春
氣遲山陰應有興不卧待微之

和元九東川路詩十二首

駱口驛舊題詩

此篇在國新境追惟四支本臨二曲叙但隨而知之
唯中與元微之年

拙詩在壁無人愛烏汙苔侵文字殘唯有
多情元侍御繡衣不惜拂塵看

南秦雪

往歲曾為西邑吏慣從駱口到南秦三時

雲冷多飛雪二月山寒少有春我思舊事
猶惆悵君作初行定苦辛仍賴愁猿寒不
叫若聞猿叫更愁人

山樝山枇杷花二首

萬重青嶂蜀門口一樹紅花山頂頭春盡
憶家歸未得佢紅如解替君愁

葉如裙色碧綃淺花似芙蓉紅粉輕若使
此花兼解語推囚御史定違程

江樓月

嘉陵江曲曲江遲，明月雖同人別離。一宵
光景潛相憶，兩地陰晴遠不知。誰料江邊
懷我夜，正當池畔望君時。今朝共語方同
悔，不解多情先寄詩。新替長愁首

游重亞枝花四句一樹為蘇山頁題春盡
山郵花木似平陽，愁殺多情驄馬郎。還似
昇平池畔坐，便頭向水自看粧。

醉卧江上笛吹詩安苦辛外疎愁對寒不
江上何人夜吹笛，聲聲似憶故園春。此時
聞者堪頭白，况是多愁少睡人。長旅變來

嘉陵夜有懷二首
露濕牆花春意深，西廊月上半牀陰。憐君
獨卧無言語，惟我知君此夜心。
不明不闇朧朧月，非暖非寒慢慢風。獨卧
空牀好天氣，平明閑事到心中。

春夜夜深行旅人臥客容
百牢關外夜行客，三殿角頭宵直人。莫道
近臣勝遠使，其如同是不閉身。

望驛臺其後同是不同
靖安宅裏當窓柳望驛臺前撲地花兩處
春光同日盡居人思客客思家

望江岸梨

梨花有思緣和葉一樹江頭惱殺君最似
嬌閨少年婦白粧素袖碧紗裙

答謝家最小偏憐女

咸元九傳七詩曰為代卷三首

嫁得梁鴻六七年耽書愛酒日高眠雨荒
春圃唯生草雪雁朝厨未有煙身病憂來

緣女少家貧忘却為夫賢誰知厚俸今無
分枉向秋風吹紙錢

答騎馬入空臺

君入空臺去朝往暮還來我入泉臺去泉
門無復開縣夫仍繫職稚女未勝哀寂寞
咸陽道家入覆墓迥似

杏園答山驛夢

入君旅夢來千里閑我幽魂欲幾年莫忘
平生行坐處後堂階下竹叢前

平土和元九與呂君同宿話舊感贈

見君新贈呂君詩。憶得同年行樂時。爭入
杏園齊馬首。潛過柳曲鬪蛾眉。八人雲散
俱遊宦。七度花開盡別離。聞道秋娘猶且
在。至今時復問微之。鄉妹之未報京師
人憶元九。陣卦莫數來時。今泉臺去泉
眇眇江陵道。相思遠不知。近來文卷裏。半
是憶君詩。風知越絕。日高耶。雨

蕭負外寄新蜀茶質請吟真新令燕

蜀茶寄到但驚新。渭水煎來始覺珍。滿甌
似乳堪持翫。况是春深酒渴人。

寄上大兄詩已後詩在邳林居作

秋鴻過盡無書信。病戴紗巾強出門。獨上
荒臺東北望。日西愁立到黃昏。

病中哭金鑿子兼半吟餘未韻不暇

豈料吾方病。翻悲汝不全。卧驚從枕上。扶
哭就燈前。有女誠爲累。無兒豈免怜。病來
纔十日。養得已三年。慈淚隨聲迸。悲腸遇

物牽故衣猶架上、殘藥尚頭邊、送出深村
巷、看封小墓田、莫言三里地、此別是終天
桑條初綠即爲別、柿葉半紅猶未歸、不如
村婦知時節、解爲田夫秋擣衣

自知氣發每因情、情在何由氣得平、若問
病根深與淺、此身應與病齊生

不入城門來五載、同時班列盡官高、何天
牢落猶依舊、唯有江陵元士曹

早年勤倦看書苦、晚歲悲傷出淚多、眼損
不知都自取、病成方悟欲如何、夜昏來似
燈將滅、朝闇長疑鏡未磨、千藥萬方治不
得、唯應閉目學頭陀

得袁相書

穀苗深處一農夫、面黑頭斑手把鋤、何意

使人猶識我就田來送相公書
病來城裏諸親故厚薄親疎心
慙知唯有蔚章於我分深於同
在翰林時感化寺見元九劉三
十二題名處微之謫去千餘里
大白無來十年余見名如見面
塵埃壁上破窓前
遊悟真寺迴山下別張殷衡
世緣未了住不得孤負青山空
共知愁君

又入都門去即是紅塵滿眼時

村居寄張殷衡

金氏村中一病夫生涯濩落性靈迂
唯看老子五千字不蹋長安十二衢
藥鈿夜傾殘酒煖竹牀寒取舊氈鋪
聞君欲發江東去能到茅菴訪別無

不病中得樊大書

荒村破屋經年卧寂絕無人問病身
唯有東都樊著作至今書信尚殷勤

東階開元九詩書卷詩曲類
紅牋白紙兩三束半是君詩半是書經年
不展緣身病今日閉看生蠹魚
抱枕無言語空房獨悄然誰知盡日卧非
病亦非眠字不關身安下二微藥驗亦
金六夜坐一麻夫坐或對空封靈聖郵音
庭前盡日立到夜燈下有時坐徹明此情
不語何人會時復長吁兩聲

報唱暮立對何如無歡各早知
黃昏獨立佛堂前滿地槐花滿樹蟬大抵
四時心摠苦就中腸斷是秋天

絲入有感動
絕絃與斷絲猶有却續時唯有衷腸斷無
應續得期

前門答友問
似玉童顏盡如霜病鬢新莫驚身頓老心
更老於身

更步村夜

霜草蒼蒼蟲切切，村南村北行人絕。
獨出前門望野田，月明蕎麥花如雪。

秋夜聞蟲

閤蟲唧唧夜絲絲，況是秋陰欲雨天。
猶恐愁人斲得睡，聲聲移近卧牀前。

四部寒食夜有懷

寒食非長非短夜，春風不熱不寒天。
可憐時節堪相憶，何況無燈各早眠。

贈內

漠漠闇苔新雨地，微微涼露欲秋天。
莫對月明思往事，損君顏色減君年。

得錢舍人書問眼疾

春來眼闇少心情，點盡黃連尚未平。
唯得君書勝得藥，開緘未讀眼先明。

還李十一馬

傳語李君勞寄馬，病來唯著杖扶身。
縱擬強騎無出處，却將牽與趁朝人。

九日寄行簡

摘得菊花攜得酒，遶村騎馬思悠悠。下邳
田地平如掌，何處登高望梓州。

夜坐

斜月入前楹，迢迢夜坐情。梧桐上階影，蟋
蟀近牀聲。曙傍窻間至，秋從簾上生。感時
因億事，不寢到雞鳴。

村居

田園莽蒼經春早，籬落蕭條盡日風。若問

經過談笑者，不過田舍白頭翁。

早春

雪散因和氣，冰開得暖光。春銷不得處，唯
有鬢邊霜。

和夢遊春詩一百韻并序

微之既到江陵，又以夢遊春詩七十韻寄
予，且題其序曰：斯言也不可使不知吾者
知，知吾者亦不可使不知樂天知吾也。吾
不敢不使吾子知，予辱斯言，三復其旨，大

抵悔既往而悟將來也。然予以爲苟不悔不寤則已。若悔於此則宜悟於彼也。反於彼而悟於妄則宜歸於真也。况與足下外服儒風、內宗梵行者有日矣。而今而後非覺路之返也、非空門之歸也。將安反乎？將安歸乎？今所和者、其卒章指歸於此。夫感不甚則悔不熟、感不至則悟不深。故廣足下七十韻爲一百韻、重爲足下陳夢遊之中所以甚感者、叙婚仕之際所以至感者。

欲使曲盡其妄、周知其非、然後返乎真歸乎實。亦猶法華經序、火宅偈、化城維摩經入娑舍、過酒肆之義也。微之微之、予斯文也。尤不可使不知吾者知。幸藏之爾云。昔君夢遊春、夢遊仙山、曲恍若有所遇。似愜平生欲。因尋昌蒲水、漸入桃花谷。到一紅樓家、愛之看不足。池流渡清泚、草嫩蹋綠葍。門柳闇全佷、簷櫻紅半熟。轉行深深院、過盡重重屋。烏龍卧不驚、青鳥飛相逐。

漸聞玉珮響、始辯珠履躅。遙見窻下人、娉
婷十五六。霞光抱明月、蓮艷開初旭。縹緲
雲雨仙、氛氲蘭麝馥。風流薄梳洗、時世寬
裝束。袖軟異文綾、裾輕單絲縠。裙腰銀線
歷、梳掌金筐蹙。帶纈紫葡萄、袴花紅石竹。
凝情都未語、付意微相矚。眉斂遠山青、鬢
亸片雲綠。帳牽翡翠帶、被解鴛鴦襖。秀色
似堪飡、穠華如可掬。半卷錦頭席、斜鋪繡
腰褥。朱脣素指勾、粉汗紅絲撲。心驚睡易

覺、夢斷魂難續。籠委獨棲禽、劍分連理木。
存誠期有感、誓志貞無黷。京洛八九春、未
曾花裏宿。壯年徒自棄、佳會應無復。鸞歌
不重聞、鳳兆從茲卜。韋門女清貴、裴氏甥
賢淑。羅扇夾花燈、金鞍攢繡轂。旣傾南國
貌、遂坦東牀腹。劉阮心漸忘、潘楊意方睦。
新修履信第、初食尚書祿。九醞備聖賢、八
珍窮水陸。秦家重簫史、彥輔憐衛叔。朝饌
饋獨盤、夜醪傾百斛。親賓盛輝赫、妓樂紛

白集十四
三
睽煜宿醉纔解醒朝歡俄枕麴飲過君子
爭令甚將軍酷醕酤歌鷓鴣顛狂舞鴝鵒
月流春夜短日下秋天速謝傳隙奔光簫
娘風過燭全凋舜花折半死梧桐禿閨鏡
對孤鸞哀弦留寡鵠淒淒隔幽顯冉冉移
寒燠萬事此時休百身何處贖提攜小兒
女將領舊姻族再入朱門行一傍青樓哭
櫪空無厩馬水涸失池鷺搖落廢井梧荒
涼故籬菊萋苔上几閣塵土生琴筑舞榭

綴蠨蛸歌梁聚蝙蝠嫁分紅粉妾賣散倉
頭僕門客思徬徨家人泣咿噢心期正蕭
索宦序仍跼蹐懷策入峭函驅車辭郊鄩
逢時念旣濟聚學思大畜端評筮仕著磨
拭穿楊鏃始從讎校職首中賢良目一拔
侍瑤墀再升著繡服誓酬君主寵願使朝
庭肅密勿奏封章清明操憲牘鷹韝中病
下豕角當邪觸糾謬靜東周申寃動南蜀
危言詎閤寺直氣杆鈞軸不忍曲作鈎乍

能折爲玉捫心無愧畏騰口有謗讟只要
明是非何曾虞禍福車摧太行路劍落豐
城獄襄漢問脩途荆蠻指殊俗謫爲江府
椽遣事荊州牧趨走謁麾幢喧煩視鞭朴
簿書常自領縲囚每親鞫竟日坐官曹經
旬曠休沐宅荒渚宮草馬瘦畚田粟薄俸
等涓毫微官同桎梏月中照形影天際辭
骨肉鶴病翅羽垂獸窮爪牙縮行者鬢間
白誰勸杯中綠時傷大野麟命問長沙鵬

夏梅山雨漬秋瘴江雲毒巴水白茫茫楚
山青簇簇吟君七十韻是我心所蓄既去
誠莫追將來幸當勗欲除憂惱病當取禪
經讀須悟事皆空無令念將屬請思遊春
夢此夢何閃倏艷色即空花浮生乃焦穀
良姻在嘉偶頃刻爲單獨入仕欲榮身須
史成黜辱合者離之始樂兮憂所伏愁恨
僧祇長歡榮刹那促覺悟因傍喻迷執由
當局膏明誘闇蛾陽焮奔癡鹿貪爲苦聚

落愛是悲林麓水蕩無明波輪迴死生輻
塵應甘露灑垢待醍醐浴鄴要智燈燒魔
須慧刁戮外重性易染內戰心難衲法句
與心王期君日三復聖賢跡入此俗樂也
悲此王昭君二首白羽空飛
滿面胡沙滿鬢風眉銷殘黛臉銷紅愁苦
辛勤顛顛盡如今却似畫圖中西宮
漢使却迴憑寄語黃金何日贖蛾眉君王
若問妾顏色莫道不如宮裏時白雲卷尾

